

Мектептен хабар

СЫҢҒЫРЛА ҚОҢЫРАУ, СЫҢҒЫРЛА

Дәстүрлі 1-қыркүйек Білім күніне орай «Сыңғырла, қоңырау, сыңғырла» атты сал-

Н.Нұрмағанбетов 1-сынып оқушылары мен ата-аналарын жаңа өмірге аяқ басқан жаңа күндерімен құттықтады. Соны-



танатты мереке Ақжал негізгі мектебінде де аталып өтті.

Алғашқы қоңырау мерекесіне Ақжал кенті округі әкімі М.Молыбаев, «NOVA-Цинк» жауапкершілігі шектеулі серіктестігінің әлеуметтік сұрақтар бойынша бөлім бастығы Н.Нұрмағанбетов, ҚР Мемлекеттік сыйлығының лауреаты, КСРО халық депутаты, КСРО Жоғары Кеңесінің мүшесі, зейнеткер Ә.Жанасбаев, Ақжал кентінің бас имамы Б.Әбілмашев, аудандық білім бөлімінің әдіскері Т.Мендібаева, кенттің ақсақалдар алқасының төрағасы С.Қамбаров, кенттегі мемлекеттік мекемелердің басшылары, ата-аналар шақырылды. Салтанатты жиын ҚР Мемлекеттік туын көтеріп, Өнұран айтумен басталды. Шақырылған қонақтар құттықтау сөз сөйлеп, алдағы оқу жылына табыстар тіледі. «NOVA-Цинк» жауапкершілігі шектеулі серіктестігінің әлеуметтік сұрақтар бойынша бөлім бастығы

мен қатар кәсіпорынның атынан 1-сынып оқушыларына оқу құралдары салынған сөмкені табыс етті. Жиында мектеп директоры Е.Удешов мектеп ұжымын және оқушыларды білім күнімен құттықтады. Сондай-ақ, «Nova-Цинк» ЖШС-нің басшыларына мектеп ұжымы мен ата-аналар атынан алғыс білдірді. Бұл жұмыстың «Мектепке жол» акциясы аясында өткізіліп отырғандығына тоқталып, барша ұстаздар қауымына шығармашылық табыс, кәсіби тұрғыда өсу және талантты шәкірттер тіледі.

Білім күніне арналған алғашқы қоңырау соғу құрметі оқу озаттары Сағынтай Гүлзат пен Оңғар Нұрәділге, және 1-сынып бүлдіршіндеріне бұйырды. Бұдан соң әр сыныпта алғашқы Білім күніне арналған тәрбие сағаттары өткізілді.

(Өз тілшімізден).

БІЛІМ МЕРЕКЕСІ АТАЛЫП ӨТТІ

Білім күні мерекесі Берекетті ауылында жылдағы дәстүрге сай аталып өтті. Аталмыш білім шаңырағына жұртшылық қауым салтанатты сипатта жиналды.

Бұдан соң мектеп табалдырығын алғаш аттаған бүлдіршіндер мен сынып оқушылары құрметпен шақырылды.

Мектеп директоры мектепке алғаш келген бүлдіршіндерді, қонақтарды жаңа оқу жылымен құттықтады.

Мерекенің алғашқы күні «Мен-елімнің патриотымын» атты тәрбие сағаты өткізілді. Тәрбиелік-іс шараның мақсаты - жас ұрпақтың жан-жақты дамуына, патриоттық тәрбиеленуіне көп әсер ететінін түсіндіре білу. Балалардың белсенді, білуге құмар, іскерлік, эмоциялық елгезек дағдыларын бойына сіңіруге де көп әсерін тигізеді. Мектеп мұғалімдері оқушыларды жаңа үлгілік оқу жоспарымен таныстырып, жаңартылған оқытудың мемлекеттік жалпыға міндетті стандарты педагогтарға тәрбие мен оқыту жұмысын ұйымдастыруда жана-шыл тәсілдерді пайдалану басты қажеттілік екенін айтып өтті.

Мерекелік іс-шара тартымды да қызықты өтті. Сондай-ақ, мектепке келген жас маман М.Галиева да құттықтау тілегін білдірді.

А.ЖҰМАЖАНОВА,
Берекетті бастауыш метебінің мұғалімі.

АҚАДЫР КЕНТІ
ТҮРҒЫНДАРЫНЫҢ
НАЗАРЫНА!

Қазақстан Республикасы Үкіметінің 2014 жылғы 24 ақпандағы №138 қаулысымен бекітілген өкімшілік аумақтық бірліктерге, елді-мекендердің құрамдас бөліктеріне атау беру, оларды қайта атау, сондай-ақ, олардың атауларының транскрипциясын нақтылау мен өзгерту кезіндегі тиісті аумақ халқының пікірін ескеру қағидаларына сәйкес 2017 жылдың 9 қазан күні сағат 16.00-де Мәдениет үйінің ғимаратында Ақадыр кентіндегі тарихи тұрғыда ескірген көшелерді қайта атау бойынша жергілікті қоғамдас-тық жиналысы өтеді.

Барлық ұсыныстар мен ескертпелер Ақадыр кенті, Тәуелсіз Қазақстан көшесі, 4 мекен-жайында орналасқан Ақадыр кенті әкімінің аппаратында және Шет ауданының мәдениет және тілдерді дамыту бөлімінде қабылданады.

Ұлттық отбасы күні

ОТАН - ОТБАСЫНАН БАСТАЛАДЫ


Отбасы - сыйластық, жарастық орнаған орта, кішкентай Отан. «Отан-отбасынан басталады» дегендей отанды сүйу-отбасынан басталатыны рас. Себебі, отбасы-бала тәрбиесінің ең алғашқы ұжымы. Оның ер жетіп өсуі, бойындағы алғашқы адамгершілік белгілері отбасында қалыптасады, сондықтан да туған үйдің жылуы-оның көкірегінде көп жылдар бойы сақталып, мәңгі есінде жүреді. Отбасы-табиғат сыйлаған кереметтердің бірі. Жеке адамның бойындағы ар-ұятын, ақыл-ойын, адамгершілігін, мәдениеттілігін тәрбиелеуге отбасы-алғашқы қадам. Отбасы-өте қажетті, басқадай еш нәрсемен өзгертуге болмайтын баспалдақ деп ойлаймын. Отбасының басты қызығы, алтын тіреу діңгегі-бала. Баланың тәрбиелі болып өсуіне берекелі отбасының әсері мол. Отбасының әрбір мүшесі өзара сөйлесіп, не болмаса ата-ананың, баланың, міндетін ат-қару ғана емес, береке-бірлік, сүйіспеншілікпен араласса, босағасы берік, шаңырағы биік отбасына айналары сөзсіз. Ата мен ана-

бала тәрбиесінің қамқоршысы, өнегесі. Ата-асқар тау, Ана - бауырдағы бұлақ, Бала-жағасындағы құрақ-деп ата-ана мен баланы табиғаттың тамаша құбылыстарына теңеген халық мақалына қайран қаларсың.

Адалдық пен мейірімділік, жауапкершілік пен кешірімділік те отбасында ымын ықылас пейілменен баланың көкірегінде орын тегбеді. Қазақ отбасында әуелі әке, содан кейін ана, бұлар - жанұя мектебінің ұстаздары болады. Әке мен ананың баласына қоятын ең бірінші басты талап-тілектері-баланың «әдепті» болып өсуі. Қазақ халқы отбасындағы тәрбиені ең бірінші орынға қойған. Ата-ана балаларына қандай тәрбие берсе, ертең ол бала өскенде сол тәрбие арқылы өмірдің жаңа баспалдақтарынан өтеді. «Ұяда не көрсен, ұшқанда соны ілерсің» деп қазақ халқы бекерге айтпаған. Бала тәрбиесі ол дүниеге келген алғашқы күннен басталады. Ұлын ұлтжанды, қызын ынабатты, сыпайы етіп өсіру ол әр ата-ананың міндеті болып табылады.

Даналықтың мектебі болған ата-бабаларымыз: «Адамның басшысы - ақыл, шолушысы - ой, жетекшісі - талап, қорғаушысы - сабыр, сынаушысы - халық, таусылмайтынсы - арман, ең қымбаттысы - ар сақтау, бәрінен ардақтысы - өмір сүру, соның ішінде ең тәттісі - сыйластық», (Төле би), - деген екен. Шындығында да, отбасы берік болуының негізгі қағида-сы адам бойындағы осы қасиеттерге негізделсе керек. Басшысы нәфсі, ашу немесе өсек-аяң емес, әрдайым ақылдың басшылыққа алса, ой таразысына салып шешім қабылдап, бақытты отбасын құруға талаптанса, ең мықты қорғаушы-сабырды серік етіп, арын-бәрінен де қымбат санаса және ең бастысы өмірін ардақтап, оны сыйластықтың бал шырынымен сусындатса - міне, бұл отбасы бақытының кілті болар еді. Ал бақытты отбасы болашақта ұлы тұлғаларды дүниеге әкелуге қабілетті болмақ.

М.ӘБІШЕВА,
жалпы тәжірибелі дәрігер.



ХАБАРЛАНДЫРУ

2017 жылы қазан айында Қарағанды қаласында өтетін қазақ күресінен 1998 - 1999 ж.т жастар, 2000-2001 ж.т, 2002-2003 ж.т жасөспірімдер арасында облыстық «Жас Барыс» атты турниріне қатысу үшін, ауданның құрама командасын іріктеу мақсатында I кезең ауылдық аймақтарда 3 топқа бөлініп өткізіледі.

8-қыркүйек Ақадыр кентінің аймақтық іріктеу турнирі.

12-қыркүйек Ақой ауылының аймақтық іріктеу турнирі.

15-қыркүйек Ақсу-Аюлы ауылының аймақтық іріктеу турнирі.

Аймақтық іріктеу турнирінің I-II-III орын алған спортшылар 23 қыркүйек күні өтетін аудандық іріктеу турниріне жолдама алады.

23 қыркүйек күні қазақ күресінен аудандық «Жас Барыс» атты турнир өткізіліп, аудан құрама командасы іріктелетінін хабарлаймыз.

АУДАНЫҚ ДЕНЕШЫНЫҚТЫРУ ЖӘНЕ СПОРТ БӨЛІМІ.